

Ն. Վ. Համբարձումյան

Husani ԵՐԿՐԻ ՏԵՂԱԴՐՄԱՆ ՀԱՐՑԻ ՇՈՒՐՋԸ

Ուրարական վիմագիր հուշարձաններում Husani տեղանունը հիշատակվում է ոչ այնքան հաճախ: Մակայն գոյություն ունեցող փաստական նյութը հետազոտողին բավական հնարավորություններ է ընձեռում այդ աշխարհագրական անվանը համապատասխանող պատմական տերիտորիայի տեղագրման հարցի մեկնարանման ուղղությամբ: Չնայած այդ հանգամանքին, այնուամենայնիվ ուրարտագիտական գրականության մեջ մինչև օրս այդ խնդրի լուսարանմանը չեն նվիրվել անհրաժեշտ հետազոտություններ:

Մյուս կողմից էլ հիշյալ հարցի ուսումնասիրությունը ավելի քան կարևոր է դառնում այն պարզ պատճառով, որ այն հնարավորություն է տալիս մեծ կամ փոքր հավանականության սահմաններում լուծելու Biani, Tariuni և այլ երկրների աշխարհագրական տերիտորիաների հարցերը, որոնք նույնպես անհրաժեշտ լուսարանման կարիք են զգում:

Husani¹ տեղանունը հիշատակվում է ուրարտական թագավոր Արգիշտի I-ի խորխորյան տարեգրություններում: Իր թագավորության առաջին տարվա երկրորդ արշավանքի նկարագրության մեջ Արգիշտին պատմում է, որ ինքը արշավանք է 'ձեռնարկել դեպի Դիաուխի երկիրը. նվաճելով Շերիազի երկիրը՝ հասնելով մինչև Պուտե քաղաքը, որը հարևան էր Բիա և Պուշա երկրներին, հպատակեցնում է Ճարիու երկիրը. ուղևորվելով Ջաբախա երկիրը, հասնում է Ուզինարիաարնա քաղաքին և Միրիմուտարա լեռանը: Այնուհետև իրեն է ենթարկում Իգանի երկրի Մակալտու քաղաքը և գալիս էրիախի ցեղի երկիրը. ուղևորվում է դեպի Ապու (կամ Արու) երկիրը և նվաճում Ուիտերու երկրի Ուրեյու թագավորանիստ քաղաքը²:

Խորխորյան տարեգրության վերոհիշյալ հատվածի մեջբերումից հետևում է, որ Պուշա Husani տեղանվանը համապատասխանող աշխարհագրական տերիտորիան անհրաժեշտ է որոնել այն տեղանունների տերիտորիաների սահմանամերձ շրջաններում, որոնց հետ միասին նա հիշատակվում է: Բայց քանի որ տվյալ դեպքում սույն հետազոտության առարկան հանդիսացող Պուշա տեղանունը հանդես է գալիս մի կողմից Դիաուխի

¹ Աշխարհագրական անունների վերջավորություններում շատ հաճախ հանդես է կող —ni (ni/e) և —hi (ni/e) ցուցիչները, մեր կողմից գիտվում են որպես արսուլուտ հոլովի կամ ստացական ածականի վերջավորություններ. այդ պատճառով էլ տեղանունների հայերին լեզվով տառադարձությունների ժամանակ մենք սովորաբար խուսափում ենք արտահայտել այդ վերջածանցները: Տես նաև Գր. Капанцян, Хурритские слова армянского языка, Известия АН Арм. ССР (Общественные науки), № 5, 1951, էջ 11:

² Խորխորյան տարեգրություն, I, 6—12:

և մյուս կողմից Ջաբախա ու Իգանի տեղանունների միջև, ըստ որում վերջիններիս պատկանող աշխարհագրական տերիտորիաների հարցը բավականաչափ ուսումնասիրված է ուրարտագիտական գրականության մեջ, ուստի հասկանալի է, որ հենց նոր հիշատակված Դիաուխի, Ջաբախա և Իգանի տեղանունները հետազոտողին կարող են հնարավորություններ տալ խուշա, ինչպես նաև Բիա և Տարիու տեղանուններին համապատասխանող աշխարհագրական տերիտորիաների որոշման խնդրում:

Ինկատի ունենալով վերոհիշյալ փաստարկումը, անհրաժեշտ ենք համարում համառոտակի կանգ առնել Դիաուխի, Ջաբախա ու Իգանի տեղանուններին համապատասխանող աշխարհագրական տերիտորիաների լուսարանման հարցի վրա և այնուհետև միայն տալ մեզ հետաքրքրող խուշա տեղանվան պատմական տերիտորիայի տեղադրումը: Այս կապակցությամբ ամենից առաջ անհրաժեշտ է նշել, որ չնայած Դիաուխի աշխարհագրական անվանը համապատասխանող տերիտորիայի տեղադրման մասին մասնագիտական գրականության մեջ հայտնվել են մի շարք կարծիքներ, այնուամենայնիվ այդ ուղղությամբ հայտնված կարծիքների մեծ մասը հիմնականում չեն բացառում մեկը մյուսին¹: Պրոֆ. Դր. Նափանցյանը հիշյալ երկիրը տեղադրում է Արածանի գետի միջին հոսանքում՝ Հաշտիանքում²: Պրոֆ. Բ. Ի. Պիոտրովսկին Դիաուխին (ասսուր. Դայաենի) նույնացնում է անտիկ գրողների հիշատակած տաոխների և հետագա շրջանի Տայքի հետ³: Դ. Ա. Մելիքիշվիլին Դիաուխի երկրի տերիտորիան տեղավորում է Էրզըրումի շրջանում, որը, սակայն, նրա կարծիքով, հավանաբար, հանդիսացել է Դիաուխի երկրի հարավային սահմանը⁴: Ի. Մ. Դյակոնովը իր կազմած քարտեզի վրա Դիաուխի երկիրը տեղադրում է Ճորոխ գետի հովտում⁵:

Ուրարտական սեպագիր հուշարձանների մատուցող փաստական նյութի ուսումնասիրությունը մեզ բերել է այն եզրակացության, որ չի բացառվում Դիաուխի երկիրը գիտել որպես բազմաթիվ ցեղերի մի ամբողջական միություն (մանավանդ Մանազկերտի արձանագրության մեջ նա կոչվում է taraie «հզորագույն»), որը գրաված լինի լայնատարած տերիտորիա՝ սկսած Մանազկերտ քաղաքի շրջանից մինչև Բասեն և նույնիսկ նրանից էլ ավելի հյուսիս: Բայց և այնպես մենք հակված ենք կարծելու, որ Դիաուխյան ցեղերի միության հիմնական տերիտորիան տարածված է եղել հայկական վաղ շրջանի մի կողմից Տուրաթատաի և Բագրևանդ (արևելքում) և մյուս կողմից խորձեան և Դերջան (արևմուտքում) գավառների միջև, ըստ որում նրա հարավային կամ հարավ-արևելյան սահմանը, հավանաբար, համընկել է Մանազկերտ քաղաքի շրջակայքի հետ:

Ընչ վերաբերում է Ջաբախա տեղանվան տերիտորիայի տեղադրման հար-

¹ Դիաուխի երկրի մասին բավականաչափ հիշատակություններ կան ոչ միայն ուրարտական, այլև ասսուրա-բաբելոնական սեպագիր հուշարձաններում: Վերջիններում նա հանդես է գալիս Դայաենի ձևով:

² Դր. Капанцян, Историко-лингвистическое значение топонимики древней Армении, Ереван, 1940, էջ 26, 41:

³ Б. Б. Пиотровский, История и культура Урарту, Ереван, 1944, էջ 27:

⁴ Г. А. Меликишвили, Дияухи, Вестник древней истории, 1950, № 4, էջ 27:

⁵ И. М. Дьяконов, Ассиро-вавилонские источники по истории Урарту, Вестник древней истории, 1951, № 2, էջ 264—265, տես քարտեզը:

ցին, ապա ուրարտագիտական գրականության մեջ այն սովորաբար համեմատվում է վրացական Ջավախետի (հայկական աղբյուրների Ջավախք) տեղանվան հետ¹, որը գտնվում է վրացական ժամանակակից Ախալքալաքի քաղաքի շրջանում: Այս վերջինի կապակցությամբ անհրաժեշտ է հաշվի առնել նաև այն հանգամանքը, որ Ուրարտական պետության կազմի մեջ մտնող երկրների տեղագրման հարցի ուսումնասիրությունը հետազոտողներին բերել է այն համոզմունքին, որ ուրարտական շրջանի Ջարախա երկրի աշխարհագրական տերիտորիան հնարավոր է, որ գտնված լինի ոչ թե պատմական Ջավախետի տերիտորիայում, այլ նրանից մի փոքր հարավ-արևմուտք: Պրոֆ. Գր. Ղափանցյանը ևս այդ կարծիքին է² Գ. Ա. Մելիքիշվիլին այդ կապակցությամբ գրում է. «Պարզ է, որ այդ արշավանքի³ ժամանակ Արգիշտին Դիաուխի գնացել է հյուսիս-արևելյան ուղղությամբ, այդ պատճառով էլ Ջարախա երկիրը անհրաժեշտ է որոնել Ջալդիր լճից դեպի արևմուտք կամ հարավ-արևմուտք, այսինքն՝ մի փոքր դեպի հարավ (հարավ-արևմուտք) վրացական Ջավախ-էտի մարզից, որի անվան մեջ, ինչպես քանիցս նշվել է մասնագիտական գրականության մեջ, պահպանվել է հնագույն Ջարախայի անունը: Բացառված չէ այն հնարավորությունը, որ այն ժամանակ արդեն Ջարախա երկրի տերիտորիան հյուսիսային ուղղությամբ հասած լինի մինչև Ջավախետի (ժամանակակից Ախալքալաքի քաղաքի շրջանը)»⁴:

Մեզ թվում է, դժվար է պնդել, որ եթե մի հնագույն տերիտորիա ավելի ուշ ժամանակներում պահպանել է իր տեղանունը՝ իր նույն հնագույն ձևով կամ աննշան հնչյունական փոփոխություններով, ապա նրա հետ միասին նույնն են մնացել նաև այդ անվանը համապատասխանող տերիտորիայի սահմանները: Աշխարհագրական այդ անվանը համապատասխանող տերիտորիան հետագայում, իհարկե, կարող էր ինչպես մեծանալ, նույնպես և փոքրանալ և անգամ դադարել գոյություն ունենալուց որպես աշխարհագրական տերիտորիալ մեծություն՝ մտնելով իր ժամանակի այս կամ այն ավելի հզոր պետության կազմի մեջ:

Եվ իսկապես, եթե ուրարտական շրջանի Ջարախա երկրի անվան ստուգաբանական կապը հետագա շրջանի Ջավախետի անվան հետ արդարացնում է իրեն, ապա ելնելով հիշյալ արշավանքի տվյալներից, մենք հակված ենք կարծելու, որ Ջարախա երկրի տերիտորիան, ըստ երևույթին, գտնվել է Ջալդիր լճից դեպի հարավ-արևմուտք (կամ հասել է մինչև այդ մասը), քանի որ այդ արշավանքի ժամանակ Ջարախա երկիրը նվաճելուց հետո, ուրարտական զորքերը հասնում են մինչև Ուզինարիտարնա քաղաքը և Սիրիմուտարա լեռը և այնուհետև հպատակեցնում Իգանի երկրի Մակալտու քաղաքը, որի աշխարհագրական տեղը որոշվում է Սարգուրի, Ար-

¹ Гр. Капанцян, Историко-лингвистическое значение топонимики древней Армении, Ереван, 1940, էջ 45—48:

² Նույն տեղում, էջ 47:

³ Հեղինակն ի նկատի ունի Արգիշտի I-ի թագավորության առաջին տարվա երկրորդ արշավանքը: Տես Սորխորյան տարեգրություն, I, 5—12:

⁴ Г. А. Меликишвили, Диавхи, Вестник древней истории, 1950, № 4, էջ 27, ծանոթագրություն 4:

գիշտիի որդու, Չալդիի լճի հարավային ափին գտնվող Դաշ-կերպի գյուղի մոտ հայտնաբերված արձանագրության մը¹։

Սույն հետազոտության առարկա հանդիսացող Խուշա (ինչպես նաև Բիա) տեղանունը ոչ միայն խորխորյան տարեգրության վերոհիշյալ կոնտեքստում, այլև ուրարտական այլ հուշարձաններում սովորաբար հանդես է գալիս Դիաուխի տեղանվան հետ միասին²։ Սարգուրյան տարեգրության մեջ Խուշա տեղանունը հանդես է գալիս ստացական անվանի ձևով, որը կազմված է արսուլուտ հոլովի հոգնակի թվից, այսինքն՝ Husa-lhi³ գրությունում, որը բառացիորեն նշանակում է «խուշայցիներին պատկանող»։ Նույն տեղում նրա հետ միասին հիշատակվում է նաև Կուլխա տեղանունը, որը մասնագիտական գրականության մեջ սովորաբար համեմատվում է Սև ծովի հարավ-արևելյան մասում գտնվող պատմական Կուլխիգայի ունվան⁴։ Husa-lhi երկրի թագավորը այստեղ հանդես է գալիս Խախ(ա) անունով։ Սակայն անհրաժեշտ է նշել, որ պրոֆ. Ղափանցյանի կարծիքով խորխորյան տարեգրության Խուշա-լի տեղանվան հետ, քանի որ նա Խուշա տեղանունը համեմատում է հետագա շրջանի Հոսանան գյուղի (նազիկ լճից դեպի արևմուտք, նրանից մոտավորապես 20 կմ հեռավորության վրա) և նրա հետ հիշատակվող Տարիս տեղանունը հետագա Տարոնի աշխարհագրական անունների հետ⁵։

Վերոհիշյալ մեջբերում արված փաստերից, ըստ երևույթին, հետևում է, որ Խուշա, ինչպես նաև Բիա երկրների տերիտորիաները անհրաժեշտ է որոնել Կուլխայից (պատմական Կուլխիգայից) դեպի հարավ։ Գուցե այդ մասին են վկայում նաև Արգիշտի I-ի թագավորության չորրորդ տարվա երկրորդ արշավանքի տվյալները (խորխորյան տարեգրություն, II, 25, 40—43), որոնց համաձայն վերնագրային կոնտեքստում (заглавная декларация) հիշատակվում է Էտիու և այլ անհայտ (տեղանունը տուժված է) երկրների հպատակեցման մասին։ Այդ տարվա առաջին արշավանքի տեքստը, դժբախտաբար, չի պահպանվել, իսկ երկրորդ արշավանքի նկարագրության մեջ ուրարտական թագավորը պատմում է Ուրուրդա, Ուրիշուշի և Խախ(ի) երկրների նվաճման մասին։ Հնարավոր է, որ հենց նոր հիշատակված երկրների տերիտորիաները որոնել Էտիու երկրից դեպի արևմուտք, որի արևմտյան սահմանը, ըստ երևույթին, հանդիսացել է Ղարսի շրջանը։ Խախ(ի), ինչպես նաև Ուրուրդա երկրների տեղանունները հանդես են գալիս հոգնակի թվի սեռական հոլովաձևով, ուստի հնարավոր է, որ այդ ապացույց է այն բանի, թե ուրարտական արձանագրողը տվյալ դեպքում

¹ Н. Я. Марр. Надпись Сардура II, сына Аргиштия, в Даш-керпи на Чалдырском озере, Записки Кавказского музея, серия В—1, 1919, № 1—38.

² Journal of the Royal Asiatic Society, vol. XIV, part 3, London, 1882, XLV, 1—4.

³ Н. Я. Марр и И. А. Орбели, Археологическая экспедиция 1916 г. в Ван, Петербург, 1922; М. Tseretheli, Die neuen haldischen Inschriften König Sardurs von Urartu, Heidelberg, 1928, С. 2—3.

⁴ Гр. Капанцян, Историко-лингвистическое значение топонимики древней Армении, Ереван, 1940, № 42; Г. А. Меликишвили, Дияухи, ВДИ, 1950, № 4, № 29.

⁵ Гр. Капанцян, Историко-лингвистическое значение топонимики древней Армении, Ереван, 1940, № 41—42.

խնկատի ունեցած լինի Պախ(ի) երկրի բնակիչներին, այսինքն՝ խախցինե-
րին։ Այս կապակցությամբ միանգամայն ուշագրավ երևույթ է, որ Պախ(ա)
տեղանունը, ինչպես այդ մասին արդեն նշել ենք վերևում, հիշատակվում
է նաև սարգուրյան տարեգրության (C, 3) մեջ, ըստ որում որպես խուշայ-
ցիների երկրի թագավորի անուն։ Ուստի այստեղից էլ ակամայից հարց
է ծագում, թե խորխորյան տարեգրության խախցինեի տերիտորիան
արդյո՞ք նույնական չէ սարգուրյան տարեգրության խուշա երկրի Պախ(ա)
թագավորի տերիտորիային այն իմաստով, որ մի դեպքում տվյալ աշխար-
հագրական տեղանվան բնակիչների տերիտորիան, հավանաբար, անվանա-
կոչվում է նրանց թագավորի անունով (խախցինե—Պախ(ա) թագավորի
երկրի բնակիչներ), իսկ մյուս դեպքում աշխարհագրական տերիտորիայի
տեղանվամբ (խուշա), ըստ որում վերջին դեպքում ակնարկվում է նաև,
որ հիշյալ ինքնուրույն աշխարհագրական միավորը պատկանել է Պախ(ա)
թագավորին։ Այս կապակցությամբ ուշագրավ է, որ Ն. Ադոնցը վկայում է
Պախ անունով գյուղի գոյության մասին՝ հայկական միջնադարյան Եկե-
ղեաց գավառում¹, որի տերիտորիան տարածված է եղել Եփրատ գետի
վերին հոսանքում՝ Բարձր Հայքի Դարանաղի և Դերջան գավառների միջև։
Այստեղից էլ կարելի է ենթադրել, որ Պախ գյուղի անվանման մեջ պահ-
պանված լինի ուրարտական շրջանի Պախ-ի (=խուշա) երկրի տեղանունը։
Եթե մեր կողմից բերված նմանօրինակ համեմատությունը կարող է հա-
մապատասխանել իրականության և գտնել թեկուզ փոքրագույն հավանա-
կանություն, ապա այդ դեպքում (խուշա=Պախ-ի), ինչպես նաև Բիա, Եր-
կըրների տերիտորիաները անհրաժեշտ է որոնել ավելի ուշ շրջանի Դերջան
գավառի տերիտորիային սահմանամերձ տարածություններում, ըստ որում,
հավանաբար, վերջինիս հարավ-արևմտյան (կամ արևմտյան) մասում։

Hušani (=Hahani) երկրի աշխարհագրական անվան վերոհիշյալ հա-
մեմատության և նրան համապատասխանող տերիտորիայի նմանօրինակ
տեղագրման օգտին են խոսում նաև խորխորյան տարեգրության (A, 5—9)
տվյալները, որոնց համաձայն Արգիշտի I-ը իր թագավորության
1-ին տարվա 2-րդ արշավանքի ընթացքում ուղևորվում է Բիաուխի եր-
կիրը (Էրզրումից դեպի հարավ ընկած տարածությունը) ու գահճնկեց
անում նրա թագավորին և այնուհետև արշավելով դեպի արևմուտք՝ նվա-
ճում է Շերիազի երկիրը ու հասնում Պուտե քաղաքը, որը հարևան էր
Բիա և խուշա երկրներին։ Վերջիններիս տերիտորիաները, ըստ երևույ-
թին, ընկած են եղել Եկեղեաց գավառի արևելյան սահմանում։ Այնու-
հետև Արգիշտին ուղևորվում է դեպի հյուսիս-արևելք, որտեղ նվաճում է
Տարիու երկիրը² և ապա Ջարախա երկիրը (Ջալիլի լճից հարավ-արևմուտք
ընկած տերիտորիան)։ Հիշյալ արշավանքի այդպիսի ուղղության և երկըր-
ների այդօրինակ տեղագրման մասին է վկայում նաև այն հանգամանքը,
որ Ջարախայի նվաճումից հետո ուրարտական թագավորը հասնում է Ու-
զինարիտարնա քաղաքին ու Սիրիմուտարա լեռանը և հպատակեցնում
Լիգանի երկրի Մակալտու քաղաքը, որը, Դաշ-կերսիի արձանագրության
տվյալների համաձայն, գտնվել է Ջալիլի լճի հարավային մասում։

¹ Н. Адонц, Армения в эпоху Юстиниана, СПб., 1908, էջ 20։

² Տարիու երկրի տերիտորիան, հավանաբար, տարածված է եղել Բասենից հյուսիս
կամ հյուսիս-արևմուտք։

Մակալտու քաղաքի հպատակեցումից հետո ուրարտական զորքերը արշավում են դեպի հարավ և նվաճելով Էրիախի երկիրը¹ (այժմյան Լենինական քաղաքի շրջանը), ուղևորվում են դեպի Ապու (կամ Արու) երկիրը² և ապա նվաճում Ուրտերու երկրի Ուրեյու թագավորանիստ քաղաքը:

Կարծում ենք, որ Husani (=Halhani) երկրի տերիտորիայի մեր կողմից վերը բերված տեղագրումը անհրաժեշտ նախադրյալներ կստեղծի նաև Բիա, Տարիու և ուրարտական մյուս վիմագիր հուշարձաններում նրանց հետ միասին հիշատակվող այլ երկրների տերիտորիաների որոշման համար:

¹ Էրիախի երկրի տեղագրումը հաստատված է Ղանլիջայի արձանագրությամբ: Տե՛ս М. В. Никольский, Клинообразные надписи Закавказья, V, 3.

² Ապու (=Արու), ինչպես նաև Ուրտերու երկրների տեղագրման հարցի մասին մանրամասն կանգ կառնենք այլ հետազոտության մեջ: Մակայն հիշատակության արժանի է, որ Արդիշտի 1-ի թեկուզ այս արշավանքի տվյալներից պարզորոշ երևում է, որ Ապու (կամ Արու) երկիրը հանդիսացել է Էրիախի երկրին հարևան տերիտորիա, ուստի այստեղից էլ հիմնովին կորցնում է իր ուժը ուրարտական Ապուի և հետագա շրջանի Ապահունիքի նույնացումը Ն. Մառի կողմից: Տե՛ս Н. Я. Марр и И. А. Орбели, Археологическая экспедиция, 1916 г. в Ван, Петербург, 1922, էջ 58—59: